

Истеҳозани ажратиб олиш ҳолати



12:07 / 22.03.2020 3121

يُنْهَلِلِ لُؤْسَرَايِ: تَلَاقُ اَهْنَا اَهْنَعُ لَلِ يَضَرَّ شَيْبُحِ يَبَّ اُتْنَبَ ةَمَطَا فَنَع
كَلَدَنَّا اِذْ اِفْ، فَرْعِي دَوَسَا مَدُّ هِنَا فِضِّي خَلَا مَدَنَّا اِذْ اِفْ: اَهَلْ لَاقَفْ، صَاخَتْ سَأُ
دُوَادُ وُبَّ اَهْ اَوْرُ. قُرْعَ وُهْ اَمَّنْ اِفْ يَلَّصَوَّ يَضَّ وَتَفْ رَحَّ اَلْ اِنَّا اِذْ اِفْ ةَالَّصَلَّ اِنَعْ يَكْسَمَّ اِفْ
يَّئِاسَّنْ لَ اَو

Фотима бинти Ҳубайш розияллоҳу анҳодан ривоят қилинади:

«Эй Аллоҳнинг Расули, мен мустаҳоза бўламан», деди. У зот унга:

«Агар ҳайзинг қони бўлса, у қора қон бўлиб, ўзи билинади. Қачонки ўша бўлса, ўзингни намоздан тий. Қачон бошқаси бўлса, таҳорат қилиб, намозни ўқийвер. У томир(нинг узилишидан)дир», дедилар».

Абу Довуд ва Насайй ривоят қилганлар.

Демак, аёл киши қайси қон ҳайзнинг қони, қайсиниси истехозанинг қони эканлигини қоннинг сифатига қараб билиб олиш ҳам мумкин. Бу нарса айниқса аёллар учун жуда ҳам осон бўлиши керак. Ҳайзнинг қони қорамтир, қуюқроқ ва ёмон ҳидли бўлади. Истехозанинг қони эса тананинг бошқа жойларидан чиқадиган қонга ўхшаш қизғиш бўлади. Ана ўшанга қараб, ҳайз келаётганини аниқлаганда намоз ўқимайди, рўза тутмайди ва бошқа ҳайз ман қилган нарсаларни қилмай туради.

Қоннинг ранги ўзгариб, ҳайз тамом бўлгани аломати собит бўлгандан сўнг ғусл қилиб, ибодатларни бошлайди. Таҳорат қилиб, намозини ўқийверади.

Лекин баъзи аёлларда одат бўйича ҳам, қоннинг сифати бўйича ҳам ҳайз билан, истехозани ажратиб бўлмас ҳолати бўлиши мумкин. У ҳолда кейинги ҳадисларда келадиган муолажа йўлларига қарайди.

«Ҳадис ва ҳаёт» китобидан